

中國方志叢書·華中地方·第二四七號


據

清·都龍錫等修，李道章等纂
清同治九年修，光緒四年補刊本

影印

安徽省

潁上縣志



成文出版社有限公司印行



10097729

中國方志叢書·華中地方·第二四七號


據

清·都寵錫等修，李道章等纂
清同治九年修，光緒四年補刊本

影印

安徽省

潁上縣志



54.14.101
成文出版社有限公司印行



10097730

中國方志叢書·華中地方·第二四七號


據

清·都寵錫等修，李道章等纂
清同治九年修，光緒四年補刊本

影印

安徽省

潁上縣志



1212/01
成文出版社有限公司印行



中國方志叢書·華中地方·第二四七號


據

清·都寵錫等修，李道章等纂
清同治九年修，光緒四年補刊本

影印

安徽省

穎上縣志



成文出版社有限公司印行



10097732

中華民國六十四年 月壹一版

穎上縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重修潁上縣志序

志胡爲而作也所以紀山川之要風土之宜幅員之廣挾人材物產之所出俾閱者一舉目瞭如指掌是以周官有職七之司漢書列郡國之志我

朝康熙年間

詔修大清一統志頒示天下車書萬里森然來同雖海濠山陬罔不貢方物繪版圖甚盛典也粵稽潁上漢爲慎縣劉宋易爲樓煩上應房星之躔毗連汝豫列在南服爲文物極盛地同治八年都君綬方尹是邑扶衰救弊百廢俱興以舊志燬於兵

掌故無存欲修輯之未果會大府修省志檄郡縣各輯志乘
君乃謀於邑之師儒搢紳父老子弟博采軼聞取舊志而增
益之參訂之援古證今成一邑之典籍蓋潁上自軍興以來
城陷者再不特典章法物如祀宋之無徵卽忠臣義士節婦
烈女名湮沒弗彰者不知凡幾烏足以振風俗勵人心哉君
之爲是舉也豈惟一邑文獻是賴亦風化之所由關也編旣
定屬余刪修丐一言弁其首余維志者古史之流亞歟從來
作史難修志尤難修志在潁上則更難大抵史事宜詳而志
例宜簡他縣之志述繼以作潁上之志因而兼創余閱是編

敘沿革則殫見洽聞敘宦業人物則參同考異敘建置食貨
學校武備秩官則繁而不雜約而能賅非略也志之體然也
總之潛德幽光無不彰之隱興利除弊有借鑒之資此志之
成非君與邑紳之殫心萃力能若是毫髮無憾歟余不敏不
敢妄加鉛槧玩讀再四略爲潤色至勸懲彰輝筆則筆削則
削自有操觚之君子在余何敢求人之美以欺世耶
時在同治九年庚午三月下澣

賜進士出身

誥授通議大夫歷官禮科掌印給事中安徽鳳嶺六泗兵備道督

理鳳陽關部署按察使司按察使大梁劉毓楠南卿甫誤

潁上縣志序

同治戊辰冬余奉檄權潁上篆既視事卽從邑之士大夫索閱邑志僉曰寇擾後亡於火矣問由此重修可乎則以艱於費對越明年大府纂修安徽通志徵郡邑輯志乘以備采擇於是大集搢紳父老子弟議之復合詞曰費或可掣腋成舊志亡往事無徵奈何久之有宦生潘廷誥自郡寄舊志一帙至閱之則修自道光丙戌歲主修者前令劉莊年先生余梓里業師也自維淺陋末由接先生一鐙之傳令厯數十餘年竟許步趨先生後私衷蓋不勝欣幸焉乃論令邑中曰爾其

輪資以進復集城鄉紳耆而諭之曰爾其博采軼事無稍遺
邑之人聞有此舉也舉欣欣然應如響竟忘其所謂難者既
得開局爰以纂記事屬李鄭兩明經余亦不時寓目相與商
推討論於其際編既成郵質於觀察劉公南卿刪潤之而後
付梓肇修於己巳秋八月成於庚午夏五凡九閱月而竣事
噫志之爲書所以備掌故資考鏡卽藉以移易風俗者也顧
上自兵燹後文物凋敝乃至一邑之乘始末之不得得矣仍
非有之於境內今之逮見是書者亦僅矣失此而不修將古
今循躋懿行厯久而胥靡湮沒後之賢士大夫不幾茫然於

文獻之謂何哉則斯役也蓋不徒發潛聞闕於既往而正人心勵風教之原將於是乎保焉是書考證記載本於舊志者最多而體例稍有更易非敢炫美於前人求合當代之宜也至所紀節烈男婦或不無善善從長之處然余與諸君子惟期於無徇無偏必可信今以傳後庶足以副大府徵文考獻之心下爲士民易俗移風之助是則區區之素志也夫

同治九年歲次庚午五月既望

教授文林郎辛卯科舉人安嶽繼解府鹿縣知縣調署額上縣亭
安邱都寵錫綬方氏謹

潁上縣志序

周官誦訓掌道方志志之作也錄來已古鄭樵云志者憲章之所賴必老於典故者然後能爲是以江文通曰作史莫難于志古稱才學識三長爲史才其於志也亦然雖然志難志潁上則尤難志之者紀其已然之迹義主乎因潁上自兵燹以來文獻凋亡網羅散失欲從末由志之者半由於創創又不可以鑿空爲也貴兼乎因溯潁上自周秦迄東晉爲愼劉宋迄陳爲樓煩隋大業二年置潁上縣今仍之然潁上思古齋石刻黃庭經修禊蘭亭敘流布海內操觚家競豔稱之勿

衰頽垣片石中具數百輩文人學士翰墨俱出其間邑雖編
小可以喻大已會纂修省志大府檄州邑各輯志乘以供采
覈邑侯都君綏方持憲檄向余商榷謀成之余應聲曰表微
勵俗父母責也亦師儒志也但省志貴簡括邑志宜周詳體
例較別由博返約理則一焉若因省志而修邑志一舉而兩
善得事半而功倍之邑侯曰然乎哉予之言於是集搢紳父
老進而言曰事不可以畏難而苟安也孰有如今日之邑志
乎夫邑之有志猶國之有史也史言一代之政治得失志載
一邑之風俗盛衰大小雖異啟發則同都人士曰唯唯或踴

躍翰墨或旁搜博採或參訂校正皆參職臆事繁記則邑人
李君道章鄭君以莊兩明經鄭卽於是年登賢書余濫竽襄
事之列得時時覽其風土人事以考其政治之得失教化之
污隆亦間參末議邑侯都君綜攬其成最後質觀察使者聲
給諫劉南卿者點定而始成完書計開局以及稿竣凡閱月
九都人士問序於余展玩數四喜其列門別類縷析條分因
原本所舊載更體例於新增毋漏遺毋泛濫毋瞻徇以成一
邑之信志卽謂與史並傳也可補史所未備也亦可後之覽
者動其興觀烏賭人才輩出不與管敬仲甘羅黃叔度諸公

後先輝映哉是以不辭固陋而樂爲之序

同治九年歲次庚午嘉平月

誥授奉政大夫同知銜候選知縣額上縣教諭石埭徐定修璧如

氏序